

摘藻堂四庫全書薈要

集部

欽定四庫全書薈要

集部

御選明詩卷六十一

詳校官原任主事_臣李斯咏

欽定四庫全書薈要卷一萬八千五百六十一集部

御選明詩卷六十一


五言律詩十二

方揚

金山

虛閣疑無地琳宮別有天江空萬籟發僧定一燈懸
七澤吞吳楚孤峯自歲年乘風興不淺高眺已泠然

吳丕顯



題襟江樓

纜解春江曉帆懸碧樹秋開窗千里月近檻一江流草
色迎芳渡歌聲逐去舟十年湖海夢猶自媿沙鷗

鄭學醇

園居

藥裏供垂老幽棲性獨偏每尋高士傳無復遠遊篇柔
櫓村煙外寒江夕照前沙鷗我與汝相對可忘年

高善

秋泊

暮色生紅樹
天風起白蘆
錢塘西入閩
銀漢北懸吳
月瘦霜華重
松高鶴夢孤
不知今夜酒
能到五更無

李應徵

江行與蘇生別

葭茨正蒼蒼
綠流水一方
平沙連極浦
斜日上危檣
坐惜故人別
因悲江路長
行行秣陵近
回首各他鄉

人日峴山遣興

人日人為客春風春可憐煙波浮宅遠丘壑寄情偏柏
葉烏程酒椒盤下若編如從習池飲醉卧峴山前

正月十六夜畢孟侯至

春草忽已綠春潮寒到門喜從新雨後得共故人言小
婦調中饋殘燈續上元庭梅未搖落還擬數開尊

廣陵送張孟奇

乾坤同作客千里任飄蓬況復離亭別蕭條落照中濤
聲揚子北寒色海門東去去煙波外無為歎路窮

姚舜牧

秋日訪臧顧渚年丈慈感寺不遇

為憶交情好攜筇過道林
雨餘秋水淨地迴白雲深入
定聞清梵留題付朗吟
道然真會晤何必共披襟

林章

白雲觀秋夜

俯仰成何事浮沈寄此身
無家逢寺好多病見僧親
夜久霜欺客庭空月礙人
西風數相過不掃化衣塵

舟中別張仲豫

昨日淮陽客今朝江上還
離亭一杯酒去棹萬重山
雲樹故人意風塵游子顏
未知攜手處莫惜暫追攀

孫繼臯

山中

山中無棟宇小屋但誅茅
境僻人煙少林深虎迹交
暗泉通石竇炎日避松梢
寂寞元吾事披襟誦解嘲

立秋日病

伏枕仍今夕開軒乍已秋高梧片葉落大火一星流楚
戶砧初動齊紈扇欲收因思故園鱸強起賦登樓

孫鑛

雨

漠漠雲籠閣霏霏雨拂簷彈琴弦半緩收扇墨多黏古
礎方花潤高枝墜果甜此心無俗慮屋漏亦何嫌

趙南星

春日郡居

乘暇尋幽事名香手自焚澆花分細草翫鳥得孤雲天
擁青山近風飄白日曛長歌思隱士終老謝塵紛

李三才

秋夜宿直

十載猶郎署蹉跎媿少年涼風迴樹杪白露下庭前漏
度三更雨燈殘五夜煙由來飛動意回首欲茫然

送姜仲文之徐州

轉餉君之楚為郎我滯燕一尊悲遠道並馬憶朝天雲

失西山樹江迷大澤煙相思若汴水日夜咽君前

送馬心易被謫南還

風雨金陵暮蕭然逐客舟酬恩空一劔去國正三秋岸
閣青楓遠江深落照愁五湖知有興只此又何求

徐元春

靈谷寺訪月泉禪師

山郭尋僧出行行黃葉邊石泉秋聽急江月坐來圓興
豁長昏夜門開不住天時聞鐘磬發獨立萬峯前

邢侗

秋日得李希說年兄太原書却寄

故國風煙古天涯草樹疎月通汾水夢雲度太行書出
處皆吾道寒暄有敝廬題封猶未悉瓜地待春鋤

臘日送野鷗先生赴清源訪狄將軍

殘雪猶在地送君將奈何客衫翻酒污鄉夢落梅多曉
寺鐘初定寒林鳥始過行行遇知己按劍一長歌

聞王百穀寓南屏寺奉懷

卜築南屏寺多因太守賢榻移千竹潤書枕一床眠禮
佛沉香火看花細雨天無緣陪勝侶吟望獨淒然

鄒迪光

春日園居雜詩

行吟不放盞坐釣亦攜書山鳥時調弄堦莎勿翦除習
眠如濕柳避客似驚魚游冶非吾意春光任爾舒

秋日泛舟至山園兼過法院次林若撫韻二首

水容開皎鏡汎渚愜新秋紅樹能迎客青衣學駕舟藥

闌天露洗澗道夜珠流自笑如拳石難言五岳游
廣圃深瀦壑駢房曲貯山堤長留竹捍牖每惜花關月
暗厖先睡林昏鶴便還名流真爾輩杖履欲追攀

吳門歸入惠山寺

勝遊不惜屢餘興尚淋漓竹路青相借花宮翠亂披酒
闌留月住曲半受風吹為問梁溪夜何如吳苑時

崑山道中

數尺布帆輕清溪一掌平小山時點綴遠樹不分明似

雪汀花舞如歌水鳥鳴行行日漸暝絳蠟坐吹笙

范守已

過趙州

故國城池壯神京驛路遙禪宗尋古寺仙迹覓長橋山
近雲常暗霜嚴木欲凋齋頭聊駐節風急馬嘶驕

渡黃河

王程催驛使河水正沅澌鼓柁黃頭猛鳴榔白鷺移參
差冰岸闊欵乃棹歌遲為念懷沙客中流一賦詩

徐三重

秦淮夜月

小閣初秋夜，秦淮月正明。
潮分江水白，煙帶露華清。
夾岸朱闌映，中流畫鷁輕。
由來佳麗地，風物總多情。

曉渡大江時，旭日散霧微。
風作波延佇，金焦鐘石之竒。
因思陳隋舊事賦此。

江流發牛渚，海日曙龍宮。
浪散千巖雨，帆輕五兩風。
天門開白下，地脈限吳中。
遙憶臨春恨，飛軍有路通。

李誌

前歲舟中得病喜逢馮元成兵憲今來京出示
新稿有見贈詩次韻荅謝

追趨臨桂日回首正傷神避客形容悴逢君意氣真
文章雄繡虎勲業望圖麟此去楚江遠風波好自珍

錢應晉

九日故城舟中

無處尋籬菊何人送酒來故園知滿徑此地少深杯
岸

柳霜前脆雲鴻日暮哀悲秋憐楚客懷抱向誰開

馮琦

秋夜

天宇澄秋序涼風夜色微為憐明月好不掩白雲扉遠
火孤村徑鄰燈寒女機砧聲欲愁絕幾處賦無衣

立秋前一日載酒過懋忠

今日良宴會情深更起愁追歡還卜夜戀別不禁秋螢
火舍風冷燈花近雨收休言尊酒盡歸及細君謀

觀暨侍中園

常侍菟裘地停車試一過
草淒幽砌冷雲白遠山多
過
午移花影因風聽鳥歌
小塘春水滿猶是舊恩波

韋莊與直卿世用分韻

半畝松陰合一庭
草色斑賞心花共醉
幽意鳥相關鐘
磬水邊寺煙霞天外山
良游同二仲薄暮不知還

可大同邊于宮諭飲摩訶菴
南園步至釣魚臺
夜眺還宿法藏菴紀事

暮煙望不斷幽徑一何深未盡寰中賞其如塵外心
浮雲千樹色殘日半山陰漸與祇林遠猶聞清梵音

重遊黃錦衣園亭懷朱可大

滿院清陰合雙槐把小亭樹搖杯影綠草映屐痕青花
鳥閒同醉風塵笑獨醒年年遊此地不負草堂靈

晚酌堤上

未盡濠梁意聯鑣復再過當歌愁日暮不醉奈春何芳
草連山碧垂楊近水多歸期難自緩留興寄層波

宿樓雲閣

曲徑穿林入高樓
面水開鳥將雲並
宿客與月同來竹
色四時雨泉聲
半夜雷乍驚
衣袖濕露下泛舟回

鄒元標

東林寺

皓月東林寺來過
恰二更碧天澄霽色
涼夜捲濤聲
虛谷攢松檜芳洲剝杜蘅
秋風吹拄杖擬續北山盟

山居雜興

秋色橫川度終朝自掩扉已便麋鹿性不負芟荷衣有
酒山堪對無官客到稀愚公真類我久息漢陰機

陸可教

春日郊游

出郊時駐馬物色澹春陰偶爾耽幽賞因之愜素心人
家隔水見僧院入花深似覺仙源近迷津未可尋

馮夢禎

賦得楊柳可藏烏

嫋嫋白門前，藏烏倍可憐。
柔枝排影度，密葉引雛穿。
啼合驚宵陌，飛應破曉煙。
新知樂如此，詎惜故腰妍。

徐桂

送義公結廬天台

海上栖禪境，披雲訪石橋。
一餅依澗壑，疎磬落山椒。
華頂經年雪，松門半夜潮。
預愁支遁去，誰與共逍遙。

張維新

萬壽節早朝

六位龍飛日千官虎拜年
嵩呼聞漢殿華祝戴堯天
綵仗清霜肅金鑪紫霧連
不才班侍從踧踖冕旒前

顧紹芳

同公亮敬承茂仁郊游

共道尋春好兼之出郭幽
林塘三月暮休沐幾人游
樹陰初合溪溪澹不流
從來耽野趣即此是滄洲

即事

小閣上干霄幽人野望遙
淡雲清曉樹疎雨綠春苗
天

閣前朝寺風多隔浦橋心期竟何託鐘磬日蕭蕭

喜陸彥先至

常憶秋風裏離尊共黯然所期寧此地相見忽經年白
眼時人過青山旅夢牽懸知有新語羞屬蒯緱篇

沈自邠

送徐洪陽侍讀使荆

送別青門外雙旌去路賒楚天高擁傳江瀨隱浮槎赤
社開王胙金莖憶帝家上林新賦就雲夢未應誇

白下留別賀伯閣

高閣經旬別孤帆此日開風塵
催作客花鳥負銜杯細雨白門
樹浮雲江上臺相期不相見愁
思轉難裁

送高蓋卿少叅

驛騎花前發東風二月過漢家
新節鉞秦地舊山河津樹闔門
合春雲渭水多西臺誰領袖尺
望鳴珂

沈九疇

雨中簡吳山人汝震時寄居鐵柱觀

倚柱看黃鳥窺簷拂翠條
吾衰春亦去汝病興還饒
山色樓中雨江聲郭下潮
何如平楚外煙柳赤闌橋

蘇濟

曉發界河

客路逢秋杪中原曙色分
無情原上草不斷嶺頭雲
醉月懷梁苑觀風過汝墳
楚天看漸遠何處問湘君

吳達可

過萬氏別院見舊題有感

金匱山房集卷六十一
郭外尋春勝幽懷
酒卮澗從峯外落
雲向竹邊移
野客多新味
山僧半舊知
不堪追往事
日月逝如斯

吳安國

登北固山甘露寺

寺憶南朝古山橫
北固遙千峯
圍鐵甕雙髻擁
金焦隔岸維楊樹
空江建業潮
高樓信多景
秋意獨蕭條

寺有多景

樓

張敬

寄王汝賓

山房黏石壁蒼翠暮煙收
野水亂流合沙禽幾點浮
人歸櫛葉寺月映蘆花洲
白露澄江闊故園何處秋

朱應轂

中秋登東阿城樓

東郡逢佳節南樓上小梯窗
迎歸雁近坐覺遠峰低魏
關燕山北黎陽魯甸西清輝
真可戀不寐信烏啼

東流泉

清流環曲逕翠色映遙岑山靜少人迹林深多鳥音
雨餘雲破練月上酒浮金千里來知己同游愜素心

屠隆

元夕集司馬公宅

同是春宵醉今宵樂未央花明天不夜塵暖月生香
人語朱樓細簫聲碧海長絳河低欲沒猶進九霞觴

秋日懷友人

寒砧萬戶滿黃葉下空城叢菊堪垂淚江流不住聲
病

惟詩得意貧覺酒多情同是傷搖落秋天日暮行

泛澱山湖

扁舟凌紫氛瀟灑絕人羣浦暗遙吞樹湖空不礙雲浪
推沙鳥出風挾寺鐘聞故有滄洲癖徘徊眷夕曛

鄧汝楫

將至清源作

清源看不遠暮色逐征途寒入蕭蕭樹身隨泛泛鳧扁
舟漁火亂明月水天孤苦受微官縛高陽愧酒徒

馮大受

竹素園詩

城隅饒綠野，況復傍滄洲。碧樹藏朱閣，澄潭下白鷗。
入林但嵇阮，開徑只羊求。不戀區中賞，真同汗漫游。

曲徑逶迤轉，山亭石路斜。連岡皆是竹，無地不栽花。
堤柳紫如織，溪桃爛若霞。尋漁到西堰，僻靜似山家。

別院仙臺古，吾齋相與鄰。丹砂餘大藥，花木秘長春。
插架書連屋，巢松鶴近人。庭前有高樹，八百頌莊椿。

登岱

直上中峯頂方知泰岱尊
岡巒迴地軸星斗挂天門
孤嶂秦皇碣清池玉女盆
仙人雲外度白鶴日飛翻

陸長庚

感興呈景陽兄

林藪原吾志年來遠市朝
青山歸計穩白髮壯心凋
夢逐翻風蝶名成覆鹿蕉
小窗休沐暇閒步誦逍遙

余寅

魯橋村

半景臨虛塢雙榆關里門秋風吹巷陌落日喚雞豚野
外桑麻闊山中父老尊喧喧村釀集賽鼓正黃昏

葉初春

梁溪留別徐少南

直北三千里郵籤第一程渾忘相送遠誰道別離輕驛
火抽帆宿河冰策馬行不知游子夢仍戀闔閭城

車大任

金谿苦雨

咫尺金谿道年來幾度過
郵程千里急鄉夢五更多
雨色迷芳草風聲走濁河
泥塗軒冕意去住欲如何

送吳求叔還蒲圻

我留君且住盡日醉春醪
作客羞長缺歸心慰大刀
帆淮浦遠匹馬楚山高
莫負重來約相思夢寐勞

楊于庭

同朱可大胡允垂申敬中遊張園得風字

野徑喧囂隔滄洲
咫尺通馬嘶深竹
外人醉落花中卷
幔斜捎月披襟晚
趁風相看飛動意
莫放酒杯空

早渡揚子江

篙滑露泥泥舟人
及曙雞曉霞催日
早秋水拍天低岸
闊三山樹潮迷六
代堤巖城猶未啟
何處聽烏啼

遊斗山

茲山真斗絕今日
始攀躋不得孤峯
上何知萬木低雲
邊飛瀑布樹杪落
虹霓攜醞情無極
悠然聽鳥啼

霽

甘澍畦流駛晴霓野望濃日昏猶帶雨雲亂不成峯
濕移衣桁乘涼倚杖筇漁舸趁陂水長汎月溶溶

暑日次孚如采芳亭韻

返服村村適歸田事事幽松風渾忘暑山月恰如秋
石分三島疏池匝一丘慚無謝朓句杜若滿芳洲

董嗣成

渡江

搖落長干道淒涼楓葉丹殘霞連海盡細雨入江寒楚
樹帆前沒吳山夢裏看鄉關悵回首長路正漫漫

臧懋循

望亭夜泊

向暝投何所依微識望亭客舟今復至津路昔曾經
瑟風吟樹離離雁度汀翻令鄉思逼數起視明星

章嘉楨

齊雲山下溪行

白岳朝真罷秉桴下小溪急湍清見底芳草踏成蹊傍
樹山樓出眠鷗浦淑低不須歌越調落日到城西

張恒

荊州

迢遞長征客徘徊故郢墟風煙平野闊沙月大江虛峽
近啼猿切天寒落雁疎蕭蕭荒草遍惆悵楚宮餘

憶槎上舊居

千古浮槎處吾廬乃在茲雲沙重護宅潮汐宛通池野

鳥啼花徑漁人唱竹枝白衣諸故老伏臘互傳卮

張萱

邗溝懷古

不盡邗溝水微茫日夜流潮連揚子渡煙接海門秋樹
影浮荒堞蟬聲到客舟興亡無限意落木共悠悠

朱國祚

雪

夜來千里雪曉起徧長安轉覺西山近宜從上苑看河

冰難渡馬野艇盡投竿最苦東征士關門擊柝寒

同周公瑕屠緯真俞羨長石湖翫月分賦得天
字

今夜清秋月江橋一串懸樹深潛滴露水闊不分天滿
載官廚酒聽彈商女絃薄寒風漸緊主客未回船

由桐廬經釣臺下作

藥草仙人錄星文釣客槎祠開高下屋江溜淺深沙綠
樹鰲蠻鳥丹崖躑躅花誰歌竹如意懷古一長嗟

萬壽寺

貝葉三車少華鐘萬石餘聲仍到長樂地合置精廬瀟
灑人王界莊嚴學士書秋來霜落後流響更何如

葉向高

渡江即事

無嗟風土異已是邈關河村舍人煙少旗亭酒幔多春
寒芳草歇天闊斷鴻過長路方茲始微名奈若何

徐應聘

瀛洲亭對雨

秘閣清宵近蘭泉曲沼開宿煙生暮雨新水長秋苔地
向蓬萊接波分太液來憑軒多爽氣疑在白雲隈

于若瀛

晚投清江浦

淮水吞江浦孤帆晚復開樹移沙岸轉波逆海潮迴人
語迎村雜漁燈拂櫂來繫舟猶未穩寒漏已頻催

高郵湖

高郵初挂席波起蕩湖村遠水浮天白孤城過雨昏柳
條依岸斷鷗鳥向人翻破屋稀煙火滔滔銷客魂

來三聘

豫章夜雨

二月餘寒在高齋聽雨眠夜愁牽往事春夢入芳年才
拙官何補家貧俸未捐遙憐鏡湖水重負杏花天

朱長春

夜泛

落日放帆疾長塘水氣昏瀨聲微引棹燈影遠知村魚
留承舟隱津人辨路喧卧驚傳柝起風急到城門

前溪

涼風吹雨斷細路入舟低溪鳥銜花立山鳩倚竹啼下
菰秋意古喬木野雲淒一路人煙少村聲何處雞

下菰
城喬

山水

湖上晚歸

落日放歸船山山起暮煙藻青浮礙梁鷺白淺過田孤

塔鐘聲外長橋燈影邊
遙聞喧渡口簫鼓到城偏

自黃龍洞歸泛月水酌復謝允昌

水酌登山後溪船泛月回
嶺霞依渡沒村火帶星來
魚躍青翻棹螢飛白照杯
納涼蘆際好留客釣徘徊

出三江口南下

日出漾清渚三江帆正開
白憐茅步名山過青見苧蘿村名

來海氣如秋雨春潮似薄雷
空餘好山色已是越中回

赴厯下途中作

白日散原霧秋光照井閭海田秋歲早寒木落風初天
地身長滯風塵役未除病夫心尚壯不敢憶鱸魚

再贈伯念

茂陵多病日詩句轉清新麗藻看時輩窮愁近古人
尊絲吳苑暮蘭草楚江春珍重凌雲賦君王問侍臣

方應選

偕陳仲醇陳箕仲遊青野禪寺

隔橋橫野寺梵響蒼農歌鉢水含風淨茶煙帶雨和天

花揮塵落竹翠拂衣多便欲辭僧去其如詩思何

箕仲貧復故業

負郭蕭然在何煩更拮据故宮惟一畝環堵足三餘坐
擁高人榻門驚長者車春風看社燕依舊到庭除

同豐城游京兆遊白雲寺

客有丘中賞言尋到白雲風流京兆擅名理惠休聞揮
塵空花落飛觴曲水分未須窮五岳聊此共清芬

贈初文學景范

意氣誰傾蓋風塵爾不羣攤書長愛日灑筆欲生雲負
郭披朝爽臨流弄夕曛獨憐河畔柳尊酒片時分

李伯東招飲觀蓮

偶赴青蓮燕言游碧玉池龜將千葉戲鳥向並頭窺灼
灼影侵燭盈盈香滿卮夜深忘去騎總為惜花遲

建溪放舟

日羨乘山好山間復鼓舫飛流穿石罅絕壁與雲連望
斷渾無路行來別有天茲游安可紀應向畫中傳

過順昌喜霽

行行逢旭日爽氣馬頭開
暗水分畦界輕雲護石苔
鳥啼風定樹花落雨前臺
偶駐長松下香脂拂袖來

莊履朋

別林尉

桑梓勤吾念憑君破寂寥
自今花下更日折道旁腰
象郡風煙隔龍城瘴氣消
行春聊佐令亦足采歌謠

湯顯祖

江樓送東粵翟先輩

樓上秋風遠城陰水樹微芙蓉低木末暝色上林霏
燕涼猶拂江鳥靜不飛登臨澹無色還似送將歸

秋發庾嶺

楓葉沾秋影涼蟬隱夕暉梧雲初掩靄花雨欲霏微
嶺色隨行棹江光滿客衣徘徊今夜月孤鵲正南飛

河林有酌

風亭移石竹為客正開襟宿鳥過殘雨吟蟲傍積陰
故

人心不淺秋色夜方深便合丘中去相招鳴一琴

送客歸岳州

楓隱號蟬急林開放鷓輕柳煙眠際穩江月醉餘清夜
色遙湘渚秋陰冷岳城還憐洞庭水漁笛與歌聲

曾士鑑

游羅浮

石室春同入龍宮夜不眠青天雙瀑下明月二樓懸羽
蓋悲陳迹金書憶昔年相攜采芝叟勸酒鐵橋邊

陳邦訓

閣上

雲合沙頭樹人歸浦口煙空山喧宿鳥小閣俯長川衣
短宜殘暑歌長入遠天南風吹几席不飲亦陶然

唐文獻

登北固曉望

清晨凌曲磴一望攬雄圖天塹仍連楚雲帆半入吳遠
山籠日氣古寺隔煙蕪自覺登臨迴渾忘旅思孤

夜泊呂城

何處汀洲晚停橈
信楫師雨餘霞散綺
風靜柳垂絲
野寺鐘聲後
夜潮人語時
勞勞遊子意
隴笛不堪吹

楊道賓

梧江即事

春水萬山低
江城宿霧迷
征帆天上去
路粵東西
荒徑餘亭障
樓船急鼓聲
客心驚寂寞
况復夜猿啼

別徐尉之任廣昌

遺愛苕溪上新綸楚水邊人疑徐孺子尉即漢神仙柳
色憐分袂春風動別筵當官三事在慎勿負先賢

全天叙

曉望

巖壑開新霽秋容倍可憐雲中聞水碓竹裏出廚煙捷
鼠穿松徑飢鳥啄芋田閔農知感激瘠土幸豐年

袁宗道

憩有斐亭

空亭堪徙倚一水帶疎林亂石含芳草危橋度遠岑野
垣還竹色淇澳尚泉音豈不懷君子高蹤何處尋

讀小脩南游稿志喜

怪爾新詩好居然下里稀眉端滄海色江上白雲衣鼓
楫三湘去攜圖五嶽歸能令名利客一倍宦情微
亦有翻飛興茲游未可攀所談客裏路是我夢中山弱
羽經年去孤鱗萬里還入春佳事少見爾一開顏

月下蕭允升顧開雍集小齋賦此

偶集翻成樂幽花晚更妍
近窗雲片薄過樹月光全
小築真同隱清酣也近禪
莫愁沽酒盡囊內有餐錢

攜尊江上

郭外同君去清尊對水涯
寒潮鳴草徑積雪晃平沙
小艇乘流急人家逐岸斜
流連歸路晚高柳亂啼鴉

袁宏道

除夕觀諸公飲

翦却殘膏穗間觀未了
棋角杯窮酒事分帖記花時白

髮羞螺子青溪訪釣絲買梭新作笠江海任吾之

和散木韻

閒適也相宜楸枰徹暮棋晚花殘蓓蕾古榻亂裝池雲
腳纔收雨秋容漸上詩家家貯新釀等取菊開時

九月二日盛集諸公郊遊至二聖寺作

莎徑許誰通香寮紫翠中窗銜半嶺日院鎖一池風認
藥收花片闔題得草蟲玄言三五友小欲困支公

望淶蘿山有懷江淶蘿年兄

好在青溪曲巖花石乳新空聞流水引不見淥蘿人
明月層層岫烏紗面面塵十年求道侶能不憶山鄰

入桃花源

洞外一長揖人仙從此分看君如水影邀我似谿雲
花氣熏崖戶霞光繞茜裙往來江海上鸞鶴莫相聞

潞河舟中和小脩別詩次韻

小艇煙江雨長堤柿葉霜一洲魚子市千樹木奴鄉
客去尋空谷書來話酉陽繁華銷枕上家近呂仙堂

送洪子崖之歸化縣

小邑無官邑登臨費履綦方言從事譯山景隸人知廨
舍巢鸚鵡鄉田貢荔枝嵐光侵簿牘長日但圍碁

夏日泛舟

泛泛鷓鴣近深深雀鵲聞空潭不受暑野竹半捎雲公
子收行蓋佳人曬舞裙垂楊亂荇藻日色冷紛紛

江上

白霧迷荒楚清流帶遠空沙平晴獻雪樹老夜屯風曠

野眠饑兕孤洲落晚鴻
布帆如屋裏何處有城中

袁中道

柳浪館

過橋三五次門徑宛村莊
曲水纏茅屋深楊護粉牆
雨煙荷葉淨風露稻花香
未可全無事疏經也學忙

同龍君超諸公游便河得橋字

率爾翻成樂裙簪藉小舸
遠林纔出寺深柳欲藏橋
明月迎團扇流波染素蕉
偶來穿水曲咫尺便為遙

江北道中

逢僧知寺近玩水愛溪遙
戶戶尋蘆笋村村入柳條
長堤隨獨馬夜浦話雙樵
數點澆花雨飛塵冷冷銷

賦得風林纖月落

宿鳥棲枝定淒清趁晚涼
深林生衆響密葉釀微光
竹露縈縈滴花渠澹澹香
樓臺濃露裏薄雪在西廊

郢中遊春曲

春在畫橋頭殷紅照碧流
幾回看去馬一笑蕩輕舟
夜

月梨花夢春風燕子愁願為原上草歲歲藉芳遊

美人臨鏡

薤葉依稀印香繩取次鬆睡眸猶少力酒暈不銷濃髻
就山爭出眉成月又重若非形與影未必肯相容

高梁橋

覓寺休辭遠逢僧不厭多一泓春水疾十里柳風和香
霧迷車騎花枝耀綺羅半生塵土胃滌浣賴清波

西遊

灣環窮野徑忽到水中央
唼雨魚兒集捎波燕子忙
馬來沙耀雪人坐草黏香
為愛溪流急移尊向石梁

閒步

舟居翻愛步三里傍江斜
山雨猶藏樹溪風忽聚花
穿雲閒揀石折柳坐書沙
望望天桃色層城一片霞

訪蘇潛夫於小龍湖賦贈

畚土添花徑防湖漲柳渠黃
蘆親睡鴨碧水伴嬉魚
沼墨知臨帖松鱗驗著書
重追宗炳跡新築卧遊居

吳應賓

題張洪陽閑雲館

賦就張平子飄然獨草亭
回環一水綠高下萬山青
避世曾金馬焚香對石屏
祇疑雲霧窟長護太玄經

王士昌

武陵縣

武陵城北道十里接平疇
沙際餘寒斂湖陰積氣浮
叢篁編作戶獨木剡為舟
指點仙源近清溪分外幽

李啟美

送王則之假歸

千里一相送郊雲黯不飛
潼關何處是孤雁獨西歸
柳暗秦川失天高隴樹微
如何向歧路春色正芳菲

王嘉謨

山中暮望

極目柴門下蕭條欲暮時
草寒千里白雲合數峯歆遙
辨郵亭火微聞樵客詞
年來車馬絕何用掃茅茨

自破寺至鷓鴣谷

躋險穿蒙密樵風去路長
杏花茅店冷柳絮野村香
長嘯忘幽寂尋真喜渺茫
迷途問何處乘月有歸航

雪後至香巖峴

獨自尋幽僻驕寒散暮陰
萬松殘雪淡一徑野雲深
坐愛麇麇跡堪憐漁釣心
山中香草路無復寄知音

沈瓚

靈谷寺晚歸

休沐乘時暇祗林向晚還
草深迷鹿若雲暗掩松闌香
氣諸天上春風御路間黃塵看漸近身得幾時閑

江心寺

一點青黛色依然雲水中對江甌郡小夾岸海潮通樓閣盤空際松蘿冒淺叢薄游吾已倦遂欲息微躬

雪後同李子憲陳子有何公露三曹長攜酌蓮花菴得栖字

疎林猶積雪曲巷復衝泥閉戶一僧在當窗萬竹齊山

深雲更暝鳥，餒晝先棲歸。路逢新月纖，纖映大隄。

泛彭蠡湖

一片空濛色，廬山東面天。曉帆初破影，殘燒遠含煙。北
匯江流小，西來地脉偏。無論襟帶勝，心賞亦泠然。

題卞山友人山居卷

早謝輶中貴，遙追谷口蹤。飲瓢清澗落，樵徑白雲封。立
久因調鶴，行遲為聽松。弁山青不斷，日日待支筇。

角里四季山茶云是角里先生手植

空山思隱士名卉屬僧家獨秀千年種常開四季花亂
懸藜杖火清映鶴頭砂落日春波渺重重散彩霞

雙溪曉望

樓居無俗夢山曉不聞雞日出鳥鳴竹霧開人渡溪沙
田秋稼曉野町宿雲低欲卜誅茅處終焉共遯棲

徑山道中

山梁宜晚憩客杖倚崖松兩邑中分界千盤始到峯徑
迴青嶂擁泉赴白雲春不敢高吟句愁驚聽法龍

宿海會菴山樓菴在石梁之右

一雨千峯夕
藤龕對佛燈
瀑流侵頰冷
山翠入樓層
地似依空界
僧多悟上乘
中宵清不寐
遲曉欲重登

山中雨行夜宿民家

好鳥知農候
嚶嚶灌木間
荒村無堠館
樵斧出柴關
雨暗車前路
雲埋屋後山
虛疑簷溜急
溪水夜潺潺

立秋日送行

石頭城下路
三面是長江
此地新秋色
映君江上艚
涼

風動衣袂飛雨灑船窓無事嗟行役臨流倒玉缸

潘大復

同朱文寧庶常觀海

煙波杳無極縱目喜同君雲外千峯出潮平各浦分競
探蝴蝶窟驚起鷺鷥羣浮白宜茲地蕭蕭日就曛

江行阻風得來字

孤舟泊風雨日夜聽喧飀石燕排空至江豚鼓浪來人
家少煙火田畝半蒿萊愁緒那堪破呼童發舊醅

王一鳴

述懷寄達邢太僕子愿先生

鵲山寒吹老雁泊溟煙深杳杳登臨眼紛紛離合心報
書扶病寫好句背人吟亦有三臺酒秋軒想共斟

徐燧

春日雨中喜惟秦至

齋居耽闕寂猶厭鹿麋羣茶汲松泉煮香收桂屑焚避
人宜晝雨來客損春雲更喜連床夜蕭蕭獨並君

秋日偶成

山翠夕陽天幽居息衆緣
倦啼將暮鳥哀咽過秋蟬
榻靜喧松雨窗疎納竹煙
微吟多信步行過蓼花邊

徐勣

送劉季德歸南海

相逢苦不早相送復沾衣
愁見孤帆影遙于五嶺歸
青看海氣近白望瘴煙微
家在羅浮下秋風獨掩扉

送林叔度之甬東

春深柳可攀送客出鄉關不灑故人淚恐傷遊子顏潮
聲兩浙水雲影四明山莫謂風塵隔相思魂夢間

送僧歸日本

故國滄溟遠鄉心島嶼孤緇衣曬若木白足踏寒蘆海
蜃噓香火驪龍覲念珠朝朝持誦處初日照跣趺

送人之燕

燕國八千里送君離恨增短衣黏雪片孤棹觸冰稜夜
鎖沙河柵寒光土屋燈故園稀釣侶秋浦挂魚罾

宿幼孺招隱樓

林壑鬱重重危闌俯萬松
亂花穿暗水疎竹漏晴峯
遠火緣溪棹斜陽過嶺鐘
招攜出蘿徑踏破白雲蹤

寓建陽福山寺

磴路層層入招提夾兩山
柏侵陰殿綠苔繡古牆
斑細雨蟲聲碎微風蜨影閒
五更鐘韻杳鄉夢屢催還

雙峯驛

暮色滿汀洲鳴蟬樹樹秋
柝聲聞雉堞燈影辨漁舟
千

澗通橋路雙峯夾驛樓
流波與客意日夜兩悠悠

送人臨邊

征馬嘶長路西山日欲斜
送君臨絕域萬里盡風沙
朔氣摧秋草邊霜慘暮笳
懸知榆塞上定憶故園花

張文柱

窗中度落葉

裊裊回風下蕭蕭薄歲陰
一山方隱几片雨自前林
重以輕霜色淒其入曲心
高居尚搖落不敢更登臨

李鼎

寄題故園

三徑荒蕪久頻來入夢思
空傳竹醉日不見柳眠時
石室藏雲滿山花帶露滋
到家開北牖觸目是新詩

焦竑

題顧侯明月軒二首

卜築鳳城隈亭軒傍水開
閒門明月下芳草故人來
說劍光生座彈碁霧濕苔
忽聞雞唱動起舞思悠哉

夜榻吟方穩春亭飲亦兼
祇緣花泛泛翻愛月纖纖
薄露難過砌微雲不滿簾
所歡時宴坐清影若為淹

雨花臺

南郭高臺迴秉春
數散愁雨餘千嶂立樹杪一江流
地擁鶯花勝情兼水石幽
角巾差自得端合老林丘

莫愁湖

水闊菰蒲淨城開睥睨斜
懷人倚高閣落葉見平沙
眉黛餘山色鈿金但野花
徘徊湖上月一倍惜春華

達摩洞

禪龕沿綠嶼石洞俯滄波風雨江聲壯魚龍夜氣多
停杯今日望飛錫向時過欲問西來意疎鐘度薜蘿

陶望齡

過何泰華園分韻

今日何園句能無憶少陵
迷人寄生酒匝地月支藤
蓮褪魚吹粉苔深石減稜
軒窗隨面面寒竹影層層

道上微雪

客子逐車輪相憐一水濱
凍雲圍野色細雪雜征塵
歷亂看愁思飄搖似此身
前村聊息馬寒入酒杯頻

次沙河

望望日將夕行行路轉賒
亂流寒渡馬深樹靜棲鴉
隔岸催漁艇尋村赴酒家
客身何所寄愁思正無涯

旅次憶越中舊居

宴坐雲歸後開尊月上初
春衫裁越布晚食飽溪魚
白鶴仙人箭玄夷使者書
故鄉真可樂不是愛逃虛

送商叔護朱叔懋應試秣陵

仗劍他鄉意彈劍故友情
秋風待行客落日事孤征
尊酒遠相命寸心言未傾
思君似流水寄向石頭城

夜泊桃源

迢遞憐行役其如客思何
孤雲將短櫂十月渡黃河水
泊兼鷗宿霜清聽雁過
更堪寒夜盡歌枕遠鐘多

塗中雜詩

驅馬游京國思家動越吟
短檠時有夢孤劍自知心
驛

樹寒煙晚官橋流水深
羈棲有朋好聊足慰離襟
一騎風塵裏千山縣郭東
畏途逢落日別思對孤鴻
仗策心逾遠談詩氣更雄
馳驅丈夫事不必恨飄蓬

董其昌

送陸伯生歸吳

神皋落木後秋水灌河時
鄉夢催遊子川程訪檝師
自憐玄尚白未遣素為緇
等是清明路閒雲不可羈

望岱

百里看山眼迢遙
岱色分應為天下
雨不斷封中雲漢
簡千秋秘秦松萬壑
聞何當馳匹練高
揖碧霞君

同唐元微宮允游善權洞四首

神功開混沌水府
亘氤氲峽隱將飛
石巖垂欲隨雲龍
堂陰壑迴鳥道亂
泉分今日摩崖記
知同藏史羣

西風撥雲盡萬象
劃然殊地軸連離
墨仙宮闕蕊珠微
明天有漏大巧谷
非愚為問探奇者
曾逢石髓無

石徑幽無際金堂
永不扃丹壚猶傍
月仙掌故捫星駕

鶴探雲笈燃犀遁水靈如聞淙響外歷歷詠黃庭
山霽氣初澄攀蘿下復登千峯攢積鐵百仞矗層冰
雪疑廬阜隨花得武陵平生耽勝事選勝却輸僧

過高唐作

高唐齊右壤終古作津途山色猶銜岱雲容不是巫坡
陀分麥隴閭井半桑榆歇馬斜陽裏應嗟霸氣徂

西陵秋渡

秋涉試褰裳風迴海氣涼濤飛鷗外雪林綴菊前黃司

馬遊何倦鴟夷跡未荒
山陰勞夢想遲晚得津梁

送穆仲裕

我去邯鄲道君為吳會遊
能將五岳興更寫九歌愁
山水琴中賞煙雲杖底收
歸裝餘一卷得似少文不

高攀龍

喜雨

六月旱既甚雨來亦不遲
即看雲漠漠已覺黍離離
興劇唯需酒歡多且賦詩
明朝應積水相與向東菑

馮從吾

戊申暮春講學太華山中

嘉會來喬嶽良朋喜共遊
白雲時去住野鳥亦夷猶
雨霽千峯翠春深萬木稠
山靈真有待吾道重千秋

林堯俞

夏日集高梁寺

一徑隔流水沿洄到寺門
瓢分香積供榻借給孤園
山雨來花氣松風斷鳥言
淹留未遽返暝色下高原

楓亭即事

落日楓亭驛秋風荔子園人煙山外靜漁榜夜深喧地
迴潮當寺僧閒月到門羣賢方豎義吾意已忘言

山行

肩輿纔出郭倚杖即看山霜葉暗樵路寒花悽客顏石
門通鶴柵松嶺入雲關去去紅塵隔鳴禽時往還

立秋

苦積連旬雨況驚一葉秋亂雲低復合大火暗潛流商

意迴頻末笳聲到枕頭寧須感搖落不斷是邊愁

送陳汝鑑大行入京

是日為三月三日集崇林曲水

共來脩禊事及此送君行花雨林間散蘋風池上輕酒
攜何次道歌借米嘉榮解作陽關疊休賡第四聲



御選明詩卷六十一



總校官庶吉士 臣侍朝

校對官檢討 臣蕭九成

謄錄舉人 臣傅環芳

欽定四庫全書蒼要

集部

御選明詩卷六十二

詳校官原任主事臣李斯咏

欽定四庫全書薈要卷一萬八千五百六十二

集部

御選明詩卷六十二

五言律詩十三

陸彥章

新橋暫泊

從倚新橋路
征人感滯留
月明前島出
風定衆帆收
華髮欺清鏡
黃花怯素秋
平生求友志
到此信悠悠

毘陵道中喜見惠山一名九龍山



名山隨處好，況復故園看。
紺宇藏丹葉，蒼厓漾碧瀾。
沙寒一鴈下，天闊九龍蟠。
勝具今慳在，虛疑說考槃。

黃輝

滴水巖

細雨不妨遊，輕雲散若流。
馬蹄時帶水，蟲語似爭秋。
續騎方縈樹，前尊已入丘。
虛疑山路遠，半為古碑留。

酌巖泉

石髓從君剖，何如玉乳香。
額珠光直射，膽鏡影橫張。
甘

露霏龍沫寒星散鵲漿一杯和笑酌分得道人糧

陳所蘊

得家報家園小山已成

小築堪招隱新成曲水潄此時頻夢寐何日遂登臨但有風塵色空懸江海心故人相問訊應笑未抽簪

朱家相

送馮南雍量移德清尹

炎海憐孤憤臨溪喜量移才非黃綬吏望重白雲司桂

杳渺然去春江空所思雲霄飛鳥近遮莫數歸期

孫羽侯

春園雜詩

野曠炊煙迴江深宿霧重藥苗經雨長竹筍破苔封高
枕移清晝深杯到夕春柴門無過客病體得從容

吳正志

過虎丘普福寺次吳卿韻

劍池遊已倦更指虎溪東竹密安禪榻林深隱梵宮衣

珠非外得綺藻問誰工會得無生法孤雲湛碧空

西溪曉發

棹出青溪口嵐煙片片開萬峯秋色早帶水曉涼來岸
遠青林斷風輕白鳥回夷猶隨所去只在碧雲隈

月夜獨步松間

靜夜林傳響幽人夢不成獨歌籬落下自愜薜蘿情芳
草連雲合寒鳥帶露驚棲遲明月曉心跡許雙清

暑中憩峽江綠漪亭

行役還江縣孤亭覆綠陰濠間時入想廉性乍投林魚
美初通市醪香夜獨斟殘霞照晴麓箕踞當登臨
眷此數竿竹因留半日綠池平新雨漲樹密片雲穿修
徑浮空翠頽垣起暮煙清風吹入暮臨發尚貪眠

區大相

夏日同諸客泛舟青溪二首

錦席人須醉仙舟客共登年華各自惜意氣轉相矜瓶
水沉朱李溪花覆紫菱莫誇姑射雪吾有玉壺冰

卷幔午花暝回舟一水遙芳情瑤瑟怨別曲鳳笙調桂
苑通仙閣蘭房接畫橋倚歌待明月長笛不須邀

金陵城南宴

逸客東山至佳人南國多袖飛金谷舞梁繞石城歌妝
閣宜春入花溪愛晚過留懽方待月無遽動鳴珂

客中九日

細雨黃花節秋風竹葉杯異鄉誰送酒何處更登臺木
落江雲暮天寒塞鴈來惟憐三徑在歸去翦蒿萊

早春長安道上

雙闕麗朝霞千門競歲華
苑雲微帶雪宮柳半藏鴉
結駟過平樂揚鞭赴狹斜
春風纔幾日先發上林花

送胡孟弢之沅江

豫章人時
疏論邊事

浮湘明日事江畔暮行吟
易動騷人怨難為國士心
秋風吹芷岸落日滿楓林
知有還家夢潯陽九派深

送張僕卿還桂林

還朝能幾日去國逼殘年
別路春前酒離亭雪後天
衡

陽隨鴈去湘浦問歸船未是投閒日東山臥莫堅

朝陵遇雨

言避峭陵雨翻行大壑雲微風清樹氣積潤洗山文銀
海春波闊龍池細澗分九陵松柏路香靄日氤氳

游宗謙老年出塞壯之

嗟君垂老日策馬薊門東易酒顏猶壯燕歌氣尚雄
敝裘經積雪頽鬢逐秋蓬寄謝行間客無輕塞上翁

晚霽玉峽驛望玉笥山

峽束江流窄山歌堞影低玉梁沉宿霧金澗落晴霓水
鳥窺魚下林猿摘果啼靈峰不可到矯首問丹梯

秋日還山

村邊黃葉路溪上白雲岑草屋山家淺松門野寺深羣
魚依密藻獨鶴返高林若問還山事多應負此心

於曲江逢高正甫奉使南還

相逢一杯酒與子暫綢繆以我北來信附君南下舟鄉
心滄海上客淚曲江頭為問乘槎使何時到廣州

東林寺

昔讀高僧傳，兼懷逸士蹤。
停車虎溪水，對面香爐峯。
舊殿丹青落，荒池蔓草茸。
我來松下坐，日暮但聞鐘。

夜坐

夜坐不覺久，庭烏棲復啼。
燈前下黃葉，井上鳴莎雞。
漏靜風聲細，帷空月影低。
城南有思婦，幽夢越遼西。

鄭明選

與楊二叔純

許子南昌去王孫嵎縣遊
舊交如雨散春水滿城流
不見江邊閣徒懷雪裏舟
故鄉惟汝在莫惜屢相求

雪不止復作

大路倉橋口貧家雪水灣
寒雲常滿郭春雪不離山
夾雨瑩瑩下隨風款款還
逡巡小僮僕擁袖出柴關

初冬

數日風纔罷初冬水始冰
門寒朝嬾出山近午還登
密竹藏斑雉枯松下黑鷹
千村穡事早生計稍堪憑

暫移山居

春晚營蠶事移居郭外村
白花低覆水翠竹遠侵門
拂几開殘帙攜鉏理廢園
鄰人儻相訪薄與酌清尊

恭閱天壇

圓丘圓殿外清晝日沉沉
玉陛春沙暖瑤壇古樹深
太微瞻帝座大享見王心
想像鈞天曲輕風落妙音

野望懷王時立朱大復

驛外晴江白洲前夏木青
過橋風細細立馬水泠泠
岸

柳鳴鶻鴝汀花臥鵲鷓歌成也自愛難得故人聽

邳州晚泊

日落留侯廟春深呂布城殘花晴抱蝶細柳暗啼鶯漸
集河船密遙生野燒明客愁無可慰膝上一經橫

傷春

野漲村村水山城日日風雨深荒縣裏春盡訟庭中朋
輩他鄉異鷓花往歲同牀頭十年酒未有一尊空

官舍晚酌

百里山圍縣雙江水對門日斜初解帶秋爽一開尊家
遠思親舊官貧任子孫醉看青竹淨纖月照黃昏

鄭州即事

滿目皆湖水家家傍水居地貧村少米冰闊市無魚樹
入天雄小雲飄泳鹿虛風塵半萬里消息故鄉疎

遊獻花巖

融公昔悟道留此獻花巖野寺人初識山花鳥舊銜洞
門無日月石縫有松杉東北清江闊微茫萬里帆

朝天宮登白鶴樓

紫府深通徑丹梯半入雲樓飛三百尺門鎖五千文郭
外吳山盡窗中楚樹分游仙今夜夢親謁武夷君

幽趣

但見滄洲趣清溪對竹扉窗陰懸薜荔水色受薔薇村
鴨迎船浴山蟲冒雨飛田家蠶已老日暮翦桑歸

歸子慕

春日過荻秋菴

迴絕幽栖處何當春日過花開當午足蜂過短牆多清
世義皇夢滄浪孺子歌同心吾輩在天壤樂如何

張民表

陳古白

文傳江左秀情見宋中書隔面雲千嶂愁心髮一梳良
圖襄野牧活計潁濱漁儻欲枉相訪嵇康候呂車

汪明生

燕市住西菴重來續一談煎茶移竹火煮麩漬魚泔日

月顛毛記風霜足
繭諳傳聞東郡旱
何以慰如惓

劉一焜

寄題金山寺

長江流日夜縹緲一峯殊
落景疑飛動盤根定有無
雲端清磬濕樹杪佛燈孤
幾見登臨客扁舟下五湖

張五典

送喬倣我

長路天涯外驅車背朔風
三秋驚別鶴千里慕征鴻
尊

酒荒城外關山落照中
前程行色晚裘馬自匆匆

王愛

縣山道中

昔賢棲隱地兩壁盡高山
入夏風應凜經春花未斑
煙

猶遺俗禁廟許妬人還

平定州孃子關有妬女祠唐李諲作頌傳是介之推姊立

馬看唐碣神林不可攀

神林大樹腹中有郭令公碑禁樵採

李本緯

登張掖甘泉樓

乍別酒泉郡來登張掖樓關雲排檻入塞水背城流夜
湧陂塘月寒生草樹秋凭高聽不盡羌管數聲愁

陳懿典

李公巽招飲柰子花下

淑景春城暮聯鑣韋曲來共尋金谷墅同泛竹林杯
縞夜分濃李生香喻早梅不愁風雨至只恐暝鐘催

李日華

石佛寺冰鑑房

秋來風日好瀟灑放輕舸僧院房房竹沙村處處橋清
吟黃葉句雅坐白雲寮妙悟仍相許時煩惠遠招

謝肇淛

賦得新柳送別

短岸復長堤黃輕綠未齊曉風吹不定春雪壓常低草
細偏相妬鶯嬌未敢啼年芳君莫問日落灞陵西

谷里

谷里三家市仍為暴雨淹逢人無漢語入饌有戎鹽溪

釣青鱗小村沽白釀甜亂峰相對晚空翠滿茅檐

沈朝煥

立秋夜不寐

雨深催病葉不獨井梧飛候到蟲先覺燈寒燼漸微感
時難穩臥未老漸知非枕上驚秋信明朝換客衣

王樂善

五渠晚渡

野潦浮平楚扁舟續馬蹄揚舲風漸緊落日望全迷林

暝漁燈出天空鴈陣低
叩舷歸意懶清興屬幽棲

丁起潛

良鄉夜宿

古驛一燈深蕭蕭車馬臨
薄寒添暝色入夜動鄉心
戒寢預愁夢喜晴翻量陰
首塗才此夕忽漫話家林

陳价夫

宿海邊山店

草舍依荒驛孤村背夕陽
海雲秋漠漠山靄夜蒼蒼
木

客歌畚月鮫人泣岸霜誰能當此地高枕不思鄉

陳薦夫

過鄭二允忠所居

憐君猶寂寞一室冶城西徑路無人到蓬蒿與客齊
雨明蟲網線風落燕巢泥惟有方牀上書籤日改題

送王震父之臨邛省兄

共是悲秋日那堪此別君流澌巴水雪積雨劔門雲鳥
道何時絕猿聲不可聞遙知春草夢夜夜慰離羣

中秋同林仲復泛月溪上

十里澄溪上，沿迴看月光。
棹輕天弄影，杯冷雪生香。
秋序行過半，良宵澹未央。
莫辭餘興發，微白在東方。

丁肇亨

冬日與同寅謝午雲張四愚蜀僧常伯遊華嚴寺登巢松亭

寺杳不聞鐘，林端翠幾重。
登臨饒曲徑，坐對有高峯。
說劍情方洽，談禪興未慵。
憑闌一眺遠，落日映蒼松。

朱之蕃

和周吉甫春日移居

身健當何患尊盈不計貧古今成過客風月屬閒人但
許橫飛筆休論倒著巾謾憐同調病吾亦任吾真

湯賓尹

舟宿

多難棲江上謀身愧不工天河容永夜野樹易高風漁
板時窺白螢燈小放紅一年秋思急催落布帆中

南湖

南湖湖影閣霜樹遠微茫
噪水鳧頭壯牽舟草尾長
晚山煙後翠初月日邊黃
飄泊知予事翻愁近故鄉

王維儉

集岩亭王孫東墅

小妓宮羅窄名花綺幕張
晴絲牽酒盞飛絮戀箏牀
改席臨階碧登臺望野蒼
芙蓉處處是乞取緝秋裳

秋日過陳見心給諫南園

徘徊臺上望秋色已蒼蒼孤戍還吹月千林乍啗霜傍
城成虎落截水作魚梁咫尺吾園接相期瑤草芳

王思任

豆店

朦朧二三里海氣發天青飽馬衝寒色殘雞落曉星春
鋤人漸出野火店猶熒斷續霜橋上流澌瑟瑟聽

宿天界寺

古寺白門邊寒風逗石煙松篁無俗徑鐘磬有諸天歲

晚難為客官間易入禪燈殘僧別去清夢竹相憐

呂大濩

百家巖寺

名利藏丹壑春遊訪道林禪居深洞寂僧梵半天音古
篆迷蒼蘚幽泉咽翠岑却憐歸路晚猶未愜登臨

經藥城

行人問井邑古跡自春秋祠宇仍藥氏風煙接趙州清
霜侵病骨遠樹動鄉愁十載曾偕計今來憶舊遊

內丘道中晚行

暝色沉寒景愁人苦夜征林煙空際合野燒暗中明殘
月孤槎影寥天一鴈聲遙遙聞吠犬髻鬢近孤城

米萬鍾

新秋泛清溪

共客邀新爽迴舟刺晚風涼生思越苧病起訝燕鴻星
耀搖虛白漁燈簇小紅怪來蕭颯早衰草怨吳宮

范允臨

題雲聲菴

結草去孤城湖村對眼明
敝衣裁野色清磬出雲聲
灑墨驚蛇走談經任鳥聽
翻嫌賦招隱人世近知名

沈琦

別家次諸兄弟韻

握手他鄉路回頭故國城
漸驚親舍遠真覺一官輕
急櫂隨雲影悲笳雜鴈聲
無情東水去相對亦淒清

袁時選

新興道中

偏側新興路逶迤傍水隈萬山迎馬合片雨逐人來
村犢騎偏穩江鷗下不猜頻年牽物役延眺亦悠哉

曹學佺

暑中對月

客邸當良夜觀空在一庭月為片水白雲作斷厓青
砌合叢邊露牆過竹裏螢北窗時偃臥風起自泠泠

臘月朔日聖果寺訪戒山上人

客裏嘉平始山中歲序殘樹呈羣石巧花雨一江寒明
月臨禪壑清霜覆戒壇應知西向笑不是為長安

夜登石鐘山

湖口行人曠山門入樹幽鐘鳴片石夜月滿九江秋洞
裏懸漁網巖前過客舟醉歌仍未已清露濕滄洲

泊舟大湘

停棹投漁火人煙自一區遠行銜月淺隔水度螢孤夕
露無聲墜寒猿有淚呼臨流歸夢促安得涉江湖

歲暮送鄭知事之蜀

暫爾仍歸去，征衣未拭塵。
蠶叢行候火，猿峽過沾巾。
祿薄奴從嬾，官閒吏苦貧。
西風吹短鬢，又逐歲華新。

詠墨紗燈

質裂橫疑水，光生薄似苔。
憑將綵筆畫，認作剪刀裁。
鳥向空中度，花從鏡裏開。
細看若無力，不畏曉風催。

再送宣仲

此時君定發，安得復蹉跎。
鴈信南來少，鷗羣北去多。
芳

洲雖可涉寒月竟誰過餘興乘冬暖江行踏淺沙

遊楊氏園

苔深知石古竹長見牆低積翠沈波底斜陽到岸西
搜花成小汎摘葉任分題何日漁樵老能容此地栖

初十夜月

月色輕雲裏秋聲細雨邊經旬移節候灑暝作涼天
鳥宿明河斷蛩吟古塞連予心耽寂寞耿耿不成眠

得張林宗書

三秋望不見此日寄來書簡略無餘字蕭條慰索居何
嫌知我少惟恨與君疎安得秦淮水能通浪蕩渠

歸宗巖道中

輿步行相半山迴徑轉幽野亭漁並席官渡馬同舟樹
古根盤道橋崩石咽流日斜人境寂谷鳥轉啾啾

支機石

一片支機石傳來牛女津客槎何處所卜肆已生塵較
似昆池古長從漢月新每逢秋夕裏吟眺倍相親

呂克孝

青谿菴

江令何年宅風流不可招
荒煙迷斷礎陳迹寄空寮
日影移雙樹谿聲自六朝
遙分鍾阜影紫翠落層霄

棲霞寺

宅記明僧紹碑傳江總持
淒涼自人代窈窕隱山茨
明月千巖宿松風萬壑垂
階前雙杏樹曾見劫灰時

趙秉忠

送張水部南歸

平子歸田去山川賦舊遊遺榮纔北闕高興已南州鱸
膾三江月菰蒲五月秋襟期知曠達尊酒寫離憂

顧起元

黃河

河水南浮泗漕渠北注燕衆心憂壁馬天意護樓船龍
首疏秦日鴻陂復漢年園陵看王氣松柏正蒼然

彭城

九日彭城道高天白鴈來但聞楓葉下不見菊花開風
起橫蛇澤雲橫戲馬臺江關何處所一望一徘徊

陳邦瞻

七夕

歲時還七夕風俗更杭州間道湖船女爭歸乞巧樓輕
雲籠月度疎樹帶星流不有乘槎客憑誰識斗牛

久雨

久雨牆苔積濃陰苑樹遮席門寒下雀蒿徑曲藏蛇浦

水連街閣江潮帶閣斜誰憐都會地卑濕似長沙

辛丑之秋自留署乞假歸省沿途觸景輒成

水次兼山次昏星復曉星古城巢父廟仙跡呂公亭日
落山光白雲流石氣清橫塘秋浪闊鷗鳥自冥冥

袁世振

獨酌

山晚一燈永窗虛萬籟深持杯欣有影入道苦為心
浙風來座遙遙月轉林不知今夜夢何以散幽襟

董應舉

西山來青軒對月

地白鐘聲寂山秋夜色多
倚闌成雪界按戶即天河
野氣沈平楚池光轉碧蘿
忽聞清籟發淒絕獨如何

鄧漢

閒居

敬通歸里日彭澤去官辰
酒熟邀田父花時對孺人
素琴橫竹几藜杖挂山巾
在世無明略猶堪傳隱淪

漫興

夜色人初定，花香牖暗通。
蒲團清課後，紈扇豔歌中。
捲思寒素挑燈看，女紅癡兒不解事。
頭困觸屏風。

范鳳翼

水閣

涼颼動水閣，卷幔坐能幽。
竹嶼連朝雨，荷池三伏秋。
茶聲入高枕，花氣上層樓。
鎮日無人到，凭闌數白鷗。

夏日李後岡先生五柳園讌集

三徑何幽勝居然陶令家涼風鳴豆葉疎雨落桐花虛
院疑秋早深林信日斜最憐塵事隔心賞足煙霞

金山對月同王伯舉給諫賦

崖月窺殘酌天風吹短衣山從墟界立潮曳海雲歸竹
嶼傳清楚松房占翠微已拚逃世鞅江上理魚磯

湖上晚坐同貞父作

花宮連後院草閣俯前川宿雨涼猶在孤雲澹可憐林
疎偏受月湖闊欲吞天坐覺囂塵靜臨風意灑然

秋夜集王氏水亭

小院秋容澹長河晚色涼
碁聲花外落酒氣月中香
作客生塵事離家覓睡方
良宵那可負鼓枻弄滄浪

暮鴉

隋柳寒鴉散南飛三兩羣
爭巢愁落日反哺逐歸雲
度嶺聯還斷搶風聚更分
城頭霜月苦啞啞不堪聞

吳文企

題資福寺同寮友作

行到寺邊寺坐看山外山講堂分戶牖野席對溪灣暗
水香廚引高雲絕頂還茶瓜深話久欲起更牽攀

登定海八面樓望海

便欲乘潮去登臨小白華憑誰辨灰劫無術筭河沙開
士元居海仙姑舊姓麻蓬萊幾清淺好問蔡經家

高出

洛中感秋

紅樹邛山路西風颯已驚東京有遺事游客不勝情金

谷銅駝地周公召伯城二毛動秋興三十豈成名

答贈劉戴甫比部言別

五月江流漲家人苦鬱蒸把君贈佳句忽似踏層冰為
別亦常事忘情終不能漸深交態後知己感偏增

何慶元

新浴夜坐

殘暑渾無賴炎炎赤日懸裸宜新浴後涼愛晚風前團
扇蒲葵歇方牀莞蒨便明河想清淺烏鵲易教填

雨霽

積雨晨初霽歸心客轉多
薄雲天縹緲深淖馬如何
秋水發新漲孤帆揚遠波
柴扉休更掩或者麴車過

黃汝亨

宿碧雲寺

石徑餘清霽琳宮護翠微
孤亭秋月下半榻暮雲歸
桂馥林間集泉聲竹裏飛
安禪吾亦適虛白坐相依

新嘉驛亭

結陰深驛舍即與世喧分小澗偏沈日孤亭亦貯雲藤
蘿秋興寂林響暮還間不覺移時坐銜杯半入醺

徑山看竹

竹色自可愛無如此徑深千秋寒玉立萬畝綠雲沈遠
竇窺天入清光覆地陰泠泠秋響切到處奏嵇琴

朝發彭城北看雲

荒城初日上廣野晚雲平近樹綠全沒遠峯青半明非
煙容若縮未雨意偏盈一望真無限漫漫何處生

新安山中

行行山不盡冉冉日何遲
泉響遞松磴花香散竹籬
晚風樵子徑落照酒家旗
草屋煙林裏遙思借一枝

翠微庵

山曲多精舍宜人獨翠微
澗深流作枕雲冷石為衣
坐擁一峯紫杯邀片月輝
不須留客憩自可憺忘歸

晚晴天闕坐眺

絕頂聯趺坐劃然天闕開
雲光羣岫擁雨氣大江迴
樹

杪分餘照衣裾點濕苔歸來松下宿禪誦暮鐘催

張履正

送張二府擢太平守

南粵羈縻地旌旄漢守行解維春浪闊到日夏雲生風
掃蠻天瘴威傳遠徼名聖君應有意賴爾作長城

送別夏京兆

如何夏京兆宦沉獨蕭然雞肋君寧戀羊腸我自憐煙
花洞庭路風雨石城船分手從茲地相逢何處天

阮自華

九日送章十

秋老空原寂孤踪去轉深
欲霜蒲柳色落日大江陰
征鳥若為疾浮雲如有心
蕭條行萬里何處問知音

歸路

歸路數千里斜陽咫尺間
角聲斷城堞離恨起鄉關
宿鳥先人入江流背客還
月中聽砧杵游子復何顏

陳允升

秋日苦雨

秋水漸浮隄青禾白鷺棲祝籌空有意抱甕已無畦
蛩欲依人訴鳩偏逐婦啼不堪翹首望天際濕雲低

王衡

遊金山

日高京口渡遙值定鐘時煙雨寺幾點江山天四垂
沙晴羣市合鷗入亂帆疑數盡東歸浪滔滔未可期

三月五日偶步至象所遇杏花因與帥敬醉花

下賦得四首 錄二首

草掩閒庭久，徒行亦偶然。
為貪楊柳色，忽到杏花前。
珠勒分弓影，春衫傍酒船。
都緣無底興，隨意遶牆眠。
蕊氣通香象，花光接苑牆。
輕霞薄春浪，舞雪受初暘。
醉面頻生暈，新姿未解妝。
好將門外柳，吹入兩三行。

雨中徐州道上

鄉山看眼愁，向暮山生驛。
舍清明雨人煙，芒碭城花
飛急流盡雲起，大河平一路
茫茫白歸心亂旅程。

十月

此日田功晏未誅冬月茅雨收紅豆
莢霜老木棉苞地
薄秋畦苦官新雜稅交君看窮鳥至歲暮亦登庖

熊明遇

竹里

竹里雩西宅城南古豫章水田春浸綠雲樹晚拖黃菊
圃兼書圃農莊帶墨莊求羊來曳履吾與詠滄浪

公獨

出戒壇北行奇羅山道過雨小憩村家

路轉瑤壇背陰崖石更奇前峯堆冒絮過雨颺游絲暫

問油囊酒旋鋪馬鬣棋

麻姑至蔡經家酒盡就餘杭姥
酤得油囊酒王積新好碁常繫

碁馬鬣上過正
夫亦與對奕

却因爭席處轉畏野人知

濟河道中

汶水南通楚清河北帶齊故山雲淦淦長路草萋萋野
曠秋天闊峯高夕日低前村疑漸近轉盼暝煙迷

穆陵關

昔日齊侯履南疆盡此封諸山沂作鎮五岳岱為宗

沂山

亦名東泰山

霸國猶餘業重關識舊蹤故園相去近回首海

雲重

棲霞邠都宮丘長春成道處

乘槎涉弱水涉降迄仙都石室誰開闢丹臺跡有無十
洲為近地五岳識真圖坐聽鸞笙晚勞峯天外孤

南竺感舊

鐘磬重巖裏楸梧亂石間水窮仍見水山近却無山感

慨因懷舊淹留為愛閒自嗟塵網繫雖倦不知還

過蒙陰舊城山家留飲

故堞依山麓相傳漢舊城桑麻千畝遍梧竹一村平
客醉遲歸意來希重別情出門逢野老重與話躬耕

梁臺遇雨

不見梁臺月孤亭暮雨昏感時思良嶽懷古問夸門
苑竹龍鐘發宮槐兔目存星軺疎應接白鳥對開尊

雷思霈

鴈至

去燕新辭主來鴻舊作賓江空今夜月家遠隔年身結
伴多依水將書只寫人如何白翎雀歲歲北山春

趙士諤

送周蓼洲吏部

久繫中朝望嘉招慰物情不誇津地重獨喜市門清是
處成蹊徑憑誰秉國成渙羣今日事行矣慎持衡

劉宗周

入雲門

緩步通樵徑雲低罽籜冠
小尋溪磴坐又過竹樓看蕉
鹿雙心化漁磯一水寒薄
遊從此發前路正漫漫

遊天衣寺

漸覺溪聲香山深古木稀爛柯無客到
飛錫有僧歸寶蓋臨丹闕蓮花傍紫薇
祇疑諸祖後此地說傳衣

譚昌言

贈吳興蔡叟

先生無俗侶野鶴與同羣奕對包山橘書開石室芸白
蘋雙槳渡紅葉五亭分高隱看誰似將無鄭巨君

顧雲鴻

登拂水巖

一杖入叢箐春泉處處生巖侵湖墅近崖豁海門平雲
徑分樵出風林帶鳥傾盤回千嶂盡下界一雞鳴

還山

柴門一以杜勝事日相因移竹聽初雨披花出故人石

衣行地古野語隔牆新
忽笑朝來夢風塵
易水濱

徐禎稷

澱湖

雪浪堆三泖風帆挂澱湖
斷雲收雨淨高樹入秋孤
暮色諸峯碧寒聲一鴈呼
滄浪歌罷去漁父定吾徒

閒居

青鬢賦歸來湖山氣色開
抱書消日月謝客長蒿萊
貧固吾家事迂非世路才
風期上千載菊徑有深杯

香飄澗雪藤影帶花殷是處渾無語高吟意獨閒

趙彥復

雨

高雲不可即飛雨作泥塗多難詩篇減新涼病骨蘇貧
仍難驚食愚任馬牛呼往事庸堪問空嗟白日徂

黃儒炳

經始興江口

三楓亭下路不盡瘴雲鄉亂石千峯落斜階一水長樓

船通漢將鏡吹發陳王往事東流盡棲鴉遍夕陽

沈珣

春日懷長兄在燕

聞道幽燕地蕭條異故鄉沙昏天欲黑春半草猶黃
馬足衝霜冷鴻聲聽夜長今宵千里月飛夢舊池塘

劉遵憲

寄書兒曹修葺山居

自悔出山誤由來歸夢頻每看客邸月偏憶故園春
鳴

鳥驚時變荒叢著雨新
可憐湖石畔只少白頭人

閻世科

楞伽臺

垂老投簪穩憑高對酒閒
江風梳白髮海霧羃青山
日極秋天遠身依暮鳥還
禹功遺跡在千載喜追攀

戴耆顯

南旺湖

古為陸地
云即大野

異代南湖水猶存大野名
秋風一夕至蘆荻有餘清蕩

漾浮堤淨微茫入檻明時時陰雨裏髣髴魯諸城

楊鶴

舟過君山過雨

湖雲一片黑雨脚東南來杳靄君山雪空濛帝子臺清
猿啼樹暝白鳥破煙迴忽憶湘靈瑟因之楚客哀

孫承宗

幕客云日為驚蟄節懔然有作

誰負旋乾手當春起蟄蟲魚龍驚寂寞天地喜昭融堦

戶身方遠昂霄意已雄
俗聾誰與破予欲問豐
霽

戴九玄

十三夜張元逸招同上慶先生胡實美士吉二

兒看月分得攜字

露下月淒淒風林驚鳥棲賦詩長過從沽酒即招攜
戍角三更怨城砧萬戶啼清光何處好却在曲闌西

李流芳

贈別洞庭葛實甫

我懷洞庭月欲醉莫釐峯幽意久不愜高人今乍逢新
詩正堪把歸櫂阻相從却羨秋山下丹黃已萬重

黃河夜泊

明月黃河夜寒沙似戰場奔流聒地響平野到天荒吳
會日以遠燕臺路正長男兒久為客不辨是他鄉

唐時升

秋雨過徐爾常園再宿海曙樓

白鳥晶波煙閣陰陰竹樹寒庖人扇鮭脯小史篋衣冠欲

別頻為約斯遊豈意闌秋風吹早桂未覺後期難

過鄧尉山下

桑柘陰陰徑蠶眠晝掩門薄雲含古寺微雨入前村
曲澗通秧水疎籬護果園隔林方問路無奈鳥聲喧

太原公東園

累日厭人事殘春憐物華壺觴來別墅菜麥散晴沙
鳥語對橋竹魚銜臨水花老思棲隱處真欲問東家

冉冉野花落悠悠溪水香古藤緣樹立新竹共人長宿

燕驚棋去遊蜂趁酒忙
流連待明月清露濕衣裳

再過東園

春暮意無賴轉憐新綠叢
竹陰長欲雨花氣不因風
臥看營巢鳥行逢結網蟲
櫻桃三月盡滴滴欲舒紅

知是午潮落小谿嗚咽流
綠蘿留薄暮紅葉報深秋
新月遠林角夕陽高
樹頭平生丘壑意一到一消憂

秋日與吳東美盧君一過時聖昭

榆柳陰陰處中藏
五畝園白蘋生廢沼
黃葉覆衡門卧

犬憑人過鳴禽亂客言幽居太寥寂宜且置琴尊

宿直塘

雨後稻梁好霜前魚蟹饒密藤全隱薜枯柳臥成橋樹
裏方為市籬間暗上潮田家秋作罷燈火各相邀

婁堅

秦淮贈孫士徵

別君羣從後每憶半酣時曲折拈新令輕狂贈小詞垂
楊紅蓼間淺黛玉顏宜復已三年別能無感鬢絲

仲和水亭遣興

水亭春欲暮，衰懶向來同。
照眼梨花雪，吹衣楊柳風。
獨殘紅鮫鮫尚淺，碧叢叢檻外。
方塘漲游魚，自鏡中。

課子

鏡裏顏添老，塵中慮漸輕。
青袍寧再誤，綠酒尚關情。
抱甕慵朝汲，荷蓑難雨耕。
詩書仍課子，吾計且儒生。

荅葛實甫

雨雪度春分，鑪香寂自焚。
衝泥來好客，促膝把新文。
霜

橘留餘綠晴湖蹴細紋清音箇中得但許解人間

程嘉燧

四明徐匯陽莊太峯余奉靈秋盡先後言別

相逢多別酒歸路欲何之江水曹娥廟湖山賀監祠鄉
愁兼雨重旅望入秋悲儻憶江東侶論文復幾時

雨中太倉津亭別子柔泊舟崑山

海近雨冥冥分攜愴驛亭明情春更覺酒氣別能醒潮
滿炊煙白山移睥睨青還鄉無限意寂寞向郊坰

石岡園雜詩二首

出郭不知遠，沿林新笋成。
柳橋塵乍染，枳徑雪初明。
客到山雲起，魚跳春水生。
巖扉對軒敞，遙識讀書聲。

雨餘來谷口，春草被山長。
不識澗花落，惟聞潭水香。
聽鶯遷密樹，憎鵲踏新篁。
欲就谿山閣，明燈掃一牀。

孫士徵甘露僧房話舊

雪中分手地，亦在暮江邊。
栖泊長如此，心期共渺然。
落帆千步柳，到寺一聲蟬。
為掃清谿石，還家與醉眠。

雨中宿友人館惜別

別館風花急停舟問數移
莫辭經夜宿已值暮春時
身遠歸難定家貧出每遲
消魂南浦上不覺淚如絲

平望阻風

驛路連吳近鄉音帶越稀
寒流捎宿舸夕浪急風靡
旁市求魚入鄰舟得酒歸
微微掩明燭伏枕念無衣

戴灑

宿僧院

共宿高僧院深杯賦茗柯鐘聲沉遠樹鴈影度秋河近
海金風早安禪白法多上方今夜月猶向斷橋過

陳繼儒

寄王辰玉

明月在高樹遶庭歌考槃谷風自容與古調太清寒念
子令人遠勞心及夜闌平生不識路何以夢長安

題君策畸墅二首

羨爾樂閒曠十年營一丘貧能買竒石老即臥滄洲亭

界羣峯影池涵萬竹秋憑高思縱目煙際起層樓
幽人開徑後卷石化名山巖戶轉如畫雲谿不記灣簾
疎花窈窕松冷鶴高閒祇是詩僧至先生一啟關

落梅

春色未曾半羅浮夢已空玉鱗飛寂寂翠羽怨匆匆雪
打窗前月香消笛裏風逡巡尋一醉驢背有詩翁

成靖之

送劉紫芝南還

遠別人情惜君歸更若何
匡時憐道直涉世患才多
路柳催春去江風拂櫂過
還應逢雨露且莫怨蹉跎

左光斗

雪霽道中口號二首

出郭舒新望寒帷對夕暉
濕雲留野樹晴雪照寒衣
臘近梅爭放春生柳欲歸
何如田父適高日掩柴扉
已霽天猶雪離離樹欲低
寒暄衆壑異向背一溪迷
凍犬迎人靜飢鳥下食齋
攜牛村父老曝背近牆西

送友人

可惜春明道春光二月間
故人何事別行色有餘閑
言上五臺去經遊二寶山
何如僧結侶獨往悵難還

馬德澧

曹園讌集

名園成勝引畫榭出疎籬
不厭杯頻勸何妨席屢移
暮煙停客擢宿雨亞花枝
興劇忘歸去娑拖月上時

錢文薦

山居雜興

自掃閒房臥能令俗慮輕披簾邀乳燕挈榼赴遷鶯海
味梅魚滑山毛竹笋清湖天思蕩漿恰喜報新晴

傅振商

春夕獨坐

野色依簾重芳林定暮鴉孤燈清古驛明月媚新花流
水幽村靜歌樵小徑斜客情正望遠何處更鳴笳

園居

不是夔龍侶偏宜鹿豕羣自題招隱字誰續絕交文
鑿壁來山雨編籬帶野雲還思接輿子遺世不如君

文翔鳳

行至樞澗

風向馬蹄鳴炎天灑汗行地浮煙樹闊衣挂晚霞明
禁酒緣多病投驂怯遠程鳥啼如戀客恰恰和溪聲

鍾惺

暫霽

重陽無不雨，況作蜀山行。已歷諸峯險，剛逢半日晴。峽
寒偏著色，江晚自多聲。雖復終陰曠，心魂亦暫清。

沈雨若自常熟過訪

時喜得
受之書

見君疑舊識，不必故人書。所念久離別，欣聞近起居。朋
來鴻鴈後，雨止菊花初。得問虞山樹，寒紅三月如。

譚元春

同李長蘅尋間子將龍井山齋二首

楓色紅難已，黃從翠處分。偶然亂葉下，風雨似同聞。谷

鳥臨寒路籬花開遠雲逢幽無一語心眼自氤氳
十里蒼蒼路非深亦覺遐陰晴澹山氣雞犬靜人家閣
迴生溪水坪香過薜花紅黃光莫艷羣動豈無涯

尹嘉賓

舟泊惠山夜坐思琴

昔年與之子把酒對瑤琴明月蒹葭浦秋江楓樹林
擣衣中夜緩落葉萬山深悵矣誰能理煙波不可尋

莊起元

紫霞洞

石室何寥廓蜿蜒信地靈
洩雲終古白豔草自然青
軒帝藏神鼎淮王貯道經
倏然來物外思鍊羽人形

王象春

送友人

郭外溪邊寺年來兩送行
攀條猶在眼落葉已無聲
憶昔春山色能輕故國情
好將詩酒約歸問魯諸生

馬之駿

聊園晚步

問病過鄰舍乘閒葺舊籬
牛知自歸路鳥亂欲栖時
暮景不堪駐孤懷誰與期
畦丁報寒早催護隔年枝

十方禪院


何處堪消夏非山即水鄉
樹深渾欲暝花近反無香
欲晚波難綠迎秋木漸蒼
市譁原未遠煙景乃微茫

秋日草橋作

白屋村村度青帘面面迎
野溪殘雨入側樹早陰生
黎

棗過橋色雞豚近市聲
未論丘與壑出郭已多情

御選明詩卷六十二



總校官庶吉士 臣侍 朝

校對官檢討 臣蕭九成

謄錄舉人 臣傅瓌芳